

喉科紫珍全集

上

咸豐辛酉年鐫

1861

喉科紫珍全集

雲陽文會堂藏



嘗謂吾人氣機呼吸在喉瞬息存亡之介亦在於喉喉之  
係於人蓋甚重矣胡可令受病哉顧病之由起於不遵衛  
生者也或因熱毒蘊積胸膈口腹多嗜煎炒或膏粱厚味  
飲酒過度不辭勞苦貪咬炙燂熱毒之物受鬱結之氣感  
冒風雨濕熱內積痰火上蒸辛苦越格種種根源皆病之  
所由以侵于喉其症有七十二種種種不同且如喉痺之  
害有陰有陽而陰陽之狀不可不察紅腫外見者陽也悞  
服辛熱之劑謂之以陽攻陽毒氣愈勝以其為出生入死



之路欲奏速效此必不可得之數也如舌生黃黑飲食阻  
碍吞吐不利疼痛難忍不見紅腫陰也驟服寒涼尅伐反  
致生痙作燥謂之以陰尅陰其痙愈甚致之於膏盲縱有  
明驗百無一二矣此為醫者施治之大畧也且人之關鍵  
惟咽喉乃出入之門其帝丁為主庸醫悞犯刀針人之受  
死者多矣嘗聞每有吞吐不利等症誤認帝丁以作病根  
或以刀針屢傷其命不知其症不識其形而以執刀為戲  
若是之愚也喉症殊形異類治法多端當察其表裏虛實  
起病日數表者散之裏者利之虛者益之實者瀉之須觀

人之壯弱氣血盛衰天之四季究其根由對症用藥百  
醫百中于斯道也思過半矣懼後學者不得其門而入爰  
詳載症之所自起上列一圖下陳一論前列諸方後之人  
思得其旨從而月以繼月日以繼日沉潛反覆按圖審症  
揀方求治何患命之登于天歿而醫生不幾于再生哉若  
夫不審虛實擅用刀針概用涼劑不惟不效而反害之是  
自蠹其生理也擅專門者慎之慎之

治喉十要歌

一針手足兩少陽。鮮血迸流命不傷。若是  
知旦夕見危亡。

二從耳下頸腮中。謾把麻絲細刮紅。方用  
鮮多者不爲凶。

三針舌下兩青筋。血出鮮紅病體輕。黑塊  
中結熱把痰清。

四般惡症曰懸癰。腫腭纏喉並鎖風。熱積  
黃行下自疎通。

五內虛邪火上行。欲教分散必須針。少商曲池頰車穴。男  
左女右辨分明。

六用追風散去痰。痰如清水不多援。連吹本秘寬胸結。涼  
膈追風及早啖。

七從頭尾可行針。切忌中間根上行。鮮血多來休慮遠。黑  
而少者不長生。

八刀割患要深知。麻藥先從患處吹。撐口中間鉤搭住。連  
施刀法莫狐疑。

九行烙鉄要除根。炭火桐油一匙焚。只待燒紅須細烙。連



將秘藥上安寧

十全灸法灸風池。五狀原來甚得宜。再把頰車加幾壯。少商灸後曲池隨。



治喉秘法

夫咽喉之症。用藥須知緩急。行針貴識頭尾。如牙關緊急。通關散可吹。風毒痰壅。追風散當用。三黃涼膈散有消毒降火之功。二陳荆防湯有豁痰驅風之力。潰爛必資內托。收成全賴生肌。麻藥用之於未針之前。秘藥用之於既針之後。吹散如十葉碧雪。與本秘均藥同功。煎方如雙和濟。陰與膈胃涼湯並效。箍藥敷之紅腫散。水藥卽圓散服後鬱痰行。洗藥可以去舊生新。燠藥可以伐邪存正。清咽丸爲善後之妙法。紫瓊膏有益氣之神功。本秘吹之于痛時。刀

針用之于腫起。雙蛾單蛾。生在咽門而圓小。無膿則吹本行針。有膿則挑破自愈。可服涼膈等湯。喉疔花疔。形似靴釘而差長。先麻而鉤住刀割。卽烙而吹秘止痛。預嘗內托等劑。雙喉癰。單喉癰。平大而圓。耳下腮邊腫起。治同蛾子。藥亦無殊。而癰憑內托。左雀舌。右雀舌。形小而尖。嚙舌癰。有痰。割類喉疔。方亦不異。但雀舌用三黃。鈿舌蓮花。靠牙邊而起五峯。中不可針。針宜旁穴。纏舌喉風。硬舌根而爛兩邊。藥不可煖。煖則難痊。死乳蛾核。活乳蛾核。日久長大。作痛無時。用刀細割一層。擦爛藥于其中。休吞。及吹秘。

藥一月方可見功用。烙烙之三黃可服。走馬疳。牙疳。喉疳。口疳。瘡毒。牙齦紫腫。臭穢不堪。必吹本秘生肌。午後年干。漱口。臉腫頭搖。咽乾音啞。身熱唇穿。落齒無血。俱爲不治。上茯苓末。自有奇能。喉單似蛾尖而長。宛若牛乳之狀。氣單似梅核而小。須行四十九針。回食單。卽旬氣。生帝丁之旁。紅起當中。卽名梅核。吞之不下。吐之不出。因氣而生。梅核用針。而旬氣用刀刺。三黃十八俱皆用。二陳四七見收功。重舌一名鈿舌。可刺金津玉液。丁腫號曰懸丁。點秘服藥清咽。死舌瘡名木舌。堅硬不能展側。匝舌瘡在兩邊。能



令舌短難說。刮苔吹用追風。瘰癧頭必須刀剔。初用三黃等劑。久將內托投之。白苔紫色猶堪治。黑刺生來魂魄離。紅白能言易治。黑腫短突難醫。兜腮瘰癧生腮下。外用金箍散。內服十八方。膿生火針刺。肉爛秘生肌。膿從口出者易治。膿出腮者難痊。喉舌有心而爛。珍珠滿口流涎。俱用三黃涼膈。間吹本秘宜然。飛瘍立時而起。喉痺傾刻而生。治此必先探吐。本秘刀刺何傷。鎖喉風牙關緊急。手足登開。先針四穴。以辨死生。次浴手足。以開脾胃。或刀或針。血去腫消。爲上策。纏喉風眼白面紫。項腫難言。角弓反張。命在須臾。

與風寒保探痰刺血病根除喉毬相牽似線可服益氣疎  
風再用麝香調服兼吹本秘追風骨槽風如口噤治之先  
吐風痰垂下五分灸七清陽散火療之舌下有泡須用刺  
青筋膠涎隨卽出或如鷄清加味二陳湯清熱如聖散用  
之皆效喉中有息肉壅塞相層疊枸橘湯雄黃末飲搽最  
妙出汗生瘡腫黑生瘡左右陰瘡三般無異金箍散十八  
方敷服相當氣瘡喉痺酒毒喉痺二者同途金鎖匙三黃  
湯吹飲卽愈大凡吹藥先吹本下了刀針用秘吹餘腫不  
消用均末刀口難完上生肌喉中氣穢和中白追取風痰

金鎖匙。水藥時噙口。冰梅頻咽津。抑火三黃涼膈散。消腫  
須知十八方。內托千金散。化痰二陳湯。虛火血分從四物。  
陽虛氣弱四君當。惡寒當解表。便秘必疎通。斯是喉症要  
訣。學者必定精工。



喉症全科紫珍集卷上目錄

通關散

附方一

烏雲散

二

元明醋

三

金鎖匙

附方四

桐油餞

五

白玉散

六

二聖散

七

取痰方

附方八

神品散

九

秘傳奪命丹

十

追風散

十一

本藥方

十二

麻藥方

十三

秘藥方

十四

元霜散

十五

蓬萊雪

十六

青霜散 十七

冰片散 十八

冰礪散 十九

麝香散 二十

柳花散 二十一

均藥 二十二

生肌散 二十三

紫雲散 二十四

開闔霜 二十五

瑤池露 二十六

永底冰 二十七

碧雲散 二十八

赴筵散 二十九

綠袍散 三十

青雲散 三十一

立效散 三十二

人中白散 三十三

勸疆散 三十四

碧雪丹 三五

十葉散 三六

膽貝散 三七

孫真人活命神丹 三八

噙化丸 三九

爛藥方 四十

五寶丹 四一

烏龍散 四二

金籬散 四三

八寶膏 四四

白膏藥 四五

清涼救苦散 四六  
附方一

逐痰丸 四七

藥磨湯 四八

舌飴散 四九

咽津丹 五十

冰梅丸 五一

棟蓑菓 五二